



## 裁員（四縣腔）

一張紙仔膏在壁項：

大字寫

工廠因為仰般……因為仰般…故所愛…

**裁 員 。**

尖來尖去、七個和尚八樣腔 講毋煞。

看真真 敢有影、敢有影

自家唸 唸 唸 唸：

「僱毋信，有吾名！」 「僱毋信，有吾名！」

仰會係僱！ 仰會係僱！

該央時

像分雷公打著，頭那暈暈腦痧痧，

踩踩踏踏、打激顫講毋出話。

頭磬磬 摻自家講：

後生退伍做到今，強強會五十歲个僱，

拚加二、三年就做得領退休金！

「無頭路了！無頭路了！」

毋敢轉夜去！

毋知仰仔，車仔緊駛到海唇

自家懨神忒！著驚一下！

半夜轉屋下，

驚分，舖娘知、爺哀愁、細人問！

心肝頭撈撈、食毋落、睡毋忒！

遽遽落間肚

揸等面 緊噉 緊想 緊打頭那

細人仔恁細，愛註冊、

屋仔愛貸款、還愛過日仔…愛恁多錢！

一屋大細擔頭還恁重！當得人畏！

「仰結煞啊！仰結煞啊！」

唉！ 往擺樂線个偈。 目汁 嘎 跌落來！



### 作者感言

**翁茂逢** 製造業 工程師

承蒙主辦單位摺屋下人鼓勵相惜。

這係吾真實个故事，也係自家感受。  
用母語寫下出內心心聲，乜認識盡多客語文字，  
中年「裁員失業」回想起來會「驚」，  
上臺係一種肯定，乜係一個盡大个鼓勵！  
這擺文學獎係讀中央大學客家學院研究所个妹仔，  
喊偈摺心情用客語表達出來，  
偈失業中盡承蒙吾鋪娘體惜支持，  
像佢講：「莫忘初衷，時時惜福」，  
希望儕儕愛惜自家目前个崗位、職責摺頭路，  
這喜悅成果偈會分享分大家。